

GRAD ŽIVINICE

IZVJEŠTAJ O RADU JP "VETERINARSKJE STANICE" D.O.O. ŽIVINICE ZA 2020.GODINU

Živinice, mart 2021.godine

KADROVSKO STANJE

JP "Veterinarska stanica" doo Živinice, zapošljava 11 uposlenih radnika, od toga 4 - VSS i 7-SSS (jedan uposlenik penzionisan u 2020.godini).

U 2020.godini za vrijeme provođenja masovnih akcija cijepljenja i dijagnostičkih ispitivanja angažovana je jedna osoba sa biroa sa SSS na period od 3 mjeseci.

U protekloj 2020.godini rad vet. stanice se zasnivao na slijedećem :

- preventivna cijepljenja
- dijagnostička ispitivanja zaraznih bolesti
- vještačko osjemenjivanje krava
- otkrivanje, suzbijanje i iskorjenjivanje zaraznih bolesti
- mjere DDD
- liječenje bolesnih životinja
- veterinarsko-zdravstveni nadzor
- edukacija građana i stručni savjeti
- obilježavanje i identifikacija domaćih životinja
- higijenski servis

I PREVENTIVNA CIJEPLJENJA

U protekloj godini prema predviđenim zakonskim propisima i u rokovima izvršili smo slijedeća preventivna cijepljenja domaćih životinja :

– CIJEPLJENJE GOVEDA

Protiv Atraksa u 2020.godini od strane JP "Veterinarska stanica" doo Živinice cijepljeno je 2236 govedo.

Akcija preventivnog cijepljenja sprovedena je u periodu maj-septembar 2020.godine cijepljenje je bilo besplatno s tim da je MPVŠ-a TK-a participira sa 70%, a Grad Živinice sa 30 % sredstava.

– CIJEPLJENJE PASA

Preventivno cijepljenje pasa i mačaka protiv Bjesnila, rađeno je tokom cijele godine.

Ukupan broj cijepljenih pasa u 2020.godini je 336.

- CIJEPLJENJE SVINJA

Preventivno cijepljenje svinja protiv Svinjske kuge u 2020.godini nije se radilo. Razlog je smanjen broj vlasnika koji uzgajaju svinje. Građani naše lokalne zajednice uglavnom kupuju već obrađene životinje.

- CIJEPLJENJE OVACA

U 2020.godini nije bilo vakcinacije jagnjadi protiv Bruceloze (Ured za veterinarstvo BiH nije dostavljao vakcinu), ali se radila vakcinacija protiv antraksa. Ukupno je vakcinisano 1298 ovaca. Troškove za cijepljenje protiv antraksa iz budžet Grada Živinice.

II DIJAGNOSTIČKA ISPITIVANJA

- DIJAGNOSTIČKA ISPITIVANJA GOVEDA

Dijagnostička ispitivanja muznih grla na Zakonom propisane zarazne bolesti (Bruceloza, TBC, Leukoza), rađena su tokom cijele godine. Program "Monitoring bruceloze i tuberkuloze" mliječnih goveda realizovan je u cijeloj BiH.

Zahvaljujući navedenom programu Monitoringa, koji se sprovodi zadnjih godina i koji je finasiran od FMPVŠ-a, Ured za veterinarstvo BiH, te su vlasnici su oslobođeni plaćanja dijagnostičkih ispitivanja.

Sve životinje čije se mlijeko koristi za javnu potrošnju, a prije stavljanja u promet mora biti podvrgnuto laboratorijskim pretragama na bakterije i somatske ćelije, gdje se dobije odgovarajući nalaz sa ispitanim parametrima.

Vlasnik je dužan da svako muzno grlo ispita i CMT testom (mastitis test).

U toku 2020.godine JP Veterinarska stanica je uradila ispitivanje CMT testa , ukupno ispitano 1515 muznih grla. Sva muzna grla koja su dala pozitivan nalaz u prvom krugu podvrgnuta su liječenju, te ponovnom ispitivanju i sve do izliječenja.

JP "Veterinarska stanica" doo Živinice u 2020.godini odradila je analizu kod 1975 goveda na Brucelozu, dok je na TBC-u ispitano 2130 grla krupne stoke. Zbog ne podjeljenosti terena na TK-u, a koje zahtjeva FMPVŠ-a, našoj stanici nije isplaćeno 100 grla urađenih na TBC-e. Pored gore navedenih ispitivanja radili smo ispitivanje na bolest Leukoza, životinje (govedo) starije od 24 mjeseca ukupno 1688 ispitanih goveda.

U 2020.godini na teritoriji Grada Živinice otkriveno je jedna životinja (govedo) pozitivna na Brucelozu.

Životinja je eutanazirana na porodičnom imanju uz prisustvo kantonalne vet.inspekcije, predstavnika MPVŠ TK-a odnosno kako nalažu propisi o

eutanaziji pozitivnih životinja. **Ovdje napominjemo da mi kao lokalna zajednica nemamo "stočno groblje" za ukopavanje pozitivnih životinja, te su vlasnici primorani ukopavati na svojim imanjima.**

- DIJAGNOSTIČKA ISPITIVANJA OVACA I KOZA

Dijagnostička ispitivanja ovaca na Brucelozu uglavnom rađena su na zahtjev vlasnika. U 2020. godini urađene su analize krvi kod 12 ovce i 6 koza (dijagnostičko ispitivanje ovaca i koza je smanjeno zbog vakcinacije istih na brucelozu).

- PREGLED SVINJSKOG MESA NA TRIHINELOZU

Ispitivanje svinjskog mesa na parazitaru bolest Trihinelozu se obavlja kontinuirano svake godine, tako da je u 2020. godini ukupno je ispitano 203 uzoraka svinjskog mesa, pri čemu nismo otkrili pozitivne slučajeve na Trihinelozu.

- PREGLED PČELINJEG LEGLA - AMERIČKA KUGA

Zadnjih godina na našoj općini u saradnji sa UG " VRIJESAK" radi se uzimanje uzoraka pčelinjeglegla radi ispitivanja na Američku kugu. Tako je u 2020. godini uzeti uzorci od 130 vlasnika koji imaju oko 4750 pčelinjih zajednica. U 2020. godini imali smo zabilježenih 226 pozitivni slučajeve pčelinjih zajednica na Američku gnjiloću.

III VJEŠTAČKO OSJEMENJIVANJE

U protekloj 2020. godini izvršeno je 3008 vještačkog osjemenjivanja goveda. Nastavili sa realizacijom plana da jedan dio sredstava iz budžeta, a koji je namijenjen za Program mjera zdravstvene zaštite domaćih životinja izdvojimo za vještačko osjemenjivanje, kako bi se konačna cijena naše usluge smanjila za naše farmere.

IV TERAPIJA I LIJEČENJE ŽIVOTINJA

Liječenja oboljelih životinja u 2020. godini je urađeno je gotovo identičan broj veterinarskih intervencija, kao i prethodne godinu, kako na terenu tako i u ambulanti koja gravitiraju na području naše lokalne zajednice.

V VETERINARSKO-ZDRAVSTVENI NADZOR

U vršenju veterinarsko-zdravstvenog nadzora nad životinjama i proizvodima životinjskog porijekla angažovana su svi doktor veterinarske medicine. Na

području naše lokalne zajednice egzistira nekoliko firmi čija su skladišta namirnica animalnog porijekla, kao i proizvodni pogoni. Svi ti objekti su pod veterinarsko-zdravstvenim nadzorom u smislu pregleda namirnica kod istovara, pretovara i utovara. Pored pregleda vrši se i redovne mjere DDD-a u skladu sa pravilnicima o mjerama. Nažalost, na našoj lokalnoj zajednici nema klaonice za krupnu i sitnu stoku, kao i klaonice za perad.

VI MJERE DDD

Tokom cijele prethodne godine vršene su mjere DDD-a, u vidu dezinfekcije prevoznih sredstava i dvorišta u kojima su utvrđene zaražene životinje. Dezinfekcija, deratizacija i dezinskcija objekata i skladišta namirnica animalnog porijekla, te dezinfekcija i asanacija terena nakon neškodljivog uklanjanja zaraženih životinja.

VII PRODAJA PILIĆA, STOČNE HRANE I VETERINARSKIH LIJEKOVA

Iz navedene djelatnosti ubiremo određena sredstva koja su svake godine manja nego prethodnih godina. Razlozi za ovakvo stanje su nelojalna konkurencija u smislu bavljenja ovom djelatnošću lica i subjekata mimo zakonskih okvira (poljoprivredne apoteke, ostala fizička lica). Da bi se ovo stanje zaustavilo potrebno je veće angažovanje nadležnih inspekcijskih organa.

VIII EDUKACIJA GRAĐANA I STRUČNI SAVJETI

JP "Veterinarska stanica" doo Živinice tokom čitave godine radi na edukaciji vlasnika životinja i uvijek smo bili servis našim građanima u pružanju našu pomoć.

IX OBILJEŽAVANJE I IDENTIFIKACIJA DOMAĆIH ŽIVOTINJA

U prošloj godini na području naše lokalne zajednice nastavljen je redovno označavanje goveda, ovaca, koza i svinja.

X HIGIJENSKI SERVIS

JP "Veterinarska stanica" doo Živinice je tokom 2020 .godine ispunila planirane aktivnosti iz okvira Higijenskog servisa. U sklopu navedenog projekta u toku prethodne godine izvršena je sterilizacija/kastracija preko 100 pasa lotalica. Higijenki servis u sklopu Veterinarske stanice radi na principu: uhvati psa lotalicu,doveze u prostorije veterinarske stanice gdje se uradi klinički pregled, zdrav pas se sterilize/kastrira, obilježi ušnom markicom, tretira antiparazitaranom i antirabičnom terapijom . Nakon čega se pas vraća na mjesto odakle je pokupljen. Ako se kliničkim pregledom utvrdi da je narušeno zdravstveno stanje psa,isti se liječi a nakon toga slijede ostale intervencije kao i na zdravom psu.

U gradskoj zoni uglavnom su označeni psi lotalice, što znači da su prošli određene tretmane (sterilizacije/kastracije, antirabične i antiparazitarne terapije) i njihovo zbrinjavanje moguće je samo u prihvatilišta ili azile za pse.

Veliki problem imamo sa migracijom pasa lotalica sa drugih lokalnih zajednica, obzirom da oni nemaju osnovan Higijenski servis, kako bi radili sa smanjenju populacije pasa lotalica.

Predstavnici naše gradske uprave trebaju pokušat ostvarit saradnju sa drugim lokalnim zajednicama koje gravitiraju uz našu lokalnu zajednicu kako bi se formiralo zajedničko prihvatilište na nivou tri i više lokalnih zajednica. Formiranjem prihvatilišta smanjili bi broj pasa lotalica u gradskoj zoni, kao i broj pasa u našim mjesnim zajednicama.

Analiziranjem stanja populacije pasa lotalica na našoj lokalnoj zajednici, kroz sve ove aktivnosti koje se provode samanjuje se broj pasa na našem području Grada Živinica, kao i u MZ-a.

Imamo izuzetnu dobru saradnju sa volonterima za zaštitu životinja sa područja TK-a, koji su jako bitni u cijelom procesu zbrinjavanja pasa i mačaka lotalica.

Redovni godišnji popisi su na vrijeme završeni, Centralna popisna komisija sačinila je svoj izvještaj i uputila na usvajanje Nadzornom odboru.

U 2020.godini JP "Veterinarska stanica" doo Živinice ima negativan bilans poslovanja, što se može vidjet iz Finansijskog izvještaja za 2020.godinu.

Gubitak je nastao usljed smanjenje prihoda, razlozi su sledeće prirode:

- smanjenje stočnog fonda na području naše lokalne zajednice,
- ne prihvatanje od strane FMPVŠ-a, preko 100 životinja odrađenih na TBC-e(zbog podjele terena),
- neloyalna konkurencija na našoj lokalnoj zajednici i rad "veterinara" koji nisu uposleni ni u jednoj veterinarskoj stanici na našoj lokalnoj zajednici.

Dodatno opterećenje našoj firmi su sredstva za Nadzorni odbor, kao i Skupšinu za koje izdvajamo preko 11.000,00KM na godišnjem nivou.

Analizirajući finansijsku situaciju JP "Veterinarska stanica" doo Živinice u 2020.godini ukupan promet je bio 426.966,00 KM, dok je u 2019.godini promet bio 449.725,00 KM, što je može zaključit da je promet u2020.godini smanjen za 22.759,00 KM.

Gubitak u 2019.godini iznosio je 59.052,00 KM, dok je u 2020.godini 36.363,00 KM.

Ukupni gubitak u 2020.godini smanjen je za 22.689,00 KM.

U 2021.godini uprava JP "Veterinarske stanice" doo Živinice učinit će sve da smanji postojeći gubitak, odnosno da nastavi trend pozitivnog poslovanja.

Finansiranje JP "Veterinarske stanice" doo Živinice u 2020.godini

Finansiranje svih nabrojanih preventivnih i drugih mjera zaštite zdravlja domaćih životinja,
su iz slijedećih izvora:

1. Ured za veterinarstvo BiH
2. Federalno ministarstvo poljoprivrede, šumarstva i vodoprivrede
3. Kantonalno ministarstvo poljoprivrede, šumarstva i vodoprivrede
4. Grad Živinice
5. Vlasnici životinja

Učešće Grada Živinice u finansiranju našeg preduzeća budžetom za 2020.godinu je:

- Poticaj poljoprivrednoj i stočarskoj proizvodnji 90.000,00 KM , od čega je 60% sredstava planirano za potrebe JP" Veterinarska stanica" doo Živinice
- Potrebe Higijenskog servisa u iznosu 30.000,00 KM

S poštovanjem!

Vd direktor
Dr.vet.med. Asmir Salihović
